



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՆԱՆԿՈՒԹՅԱՆ ԴԱՏԱՐԱՆ
Ո Ր Ո Շ ՈՒ Մ**

ՍՆԱՆԿՈՒԹՅԱՆ ԿԱՌԱՎԱՐԻՉ ՆՇԱՆԱԿԵԼՈՒ ՄԱՍԻՆ

«01» փետրվարի 2023թ.

ք. Երևան

Հայաստանի Հանրապետության սնանկության դատարանի դատավոր Լ. Կատվալյանս, քննության առնելով թիվ ՍՆԴ/1459/04/22 սնանկության գործով ըստ դիմումի ՀՀ ՊԵԿ-ի՝ «ԼԵՈ 666» ՍՊԸ-ին (ՀՀ, ք. Երևան, Լեոյի փ. 72, պետական գրանցման համար՝ 286.110.1196225, պետական գրանցման ամսաթիվ՝ 17.09.2021թ., ՀՎՀՀ՝ 02846724) սնանկ ճանաչելու պահանջի մասին, կառավարիչ նշանակելու հարցը,

Պ Ա Ր Զ Ե Ց Ի

ՀՀ ՊԵԿ-ը 2022թ. մայիսի 19-ին դիմում է ներկայացրել ՀՀ սնանկության դատարան՝ «ԼԵՈ 666» ՍՊԸ-ին սնանկ ճանաչելու պահանջով:

Դիմումի հիման վրա կազմվել է թիվ ՍՆԴ/1459/04/22 սնանկության գործը, որը 19.05.2022 թվականին մակագրվել է դատավոր Լ. Կատվալյանիս:

Դիմումը դատավորի աշխատակազմին հանձնվել է 20.05.2022 թվականին:

ՀՀ սնանկության դատարանը 20.05.2022 թվականի դրությամբ դիմումն ընդունվել է վարույթ:

Միաժամանակ ՀՀ Արդարադատության նախարարություն է ուղարկվել ժամանակավոր կառավարչի թեկնածություն ներկայացնելու վերաբերյալ պահանջագիր՝ սահմանված կարգով «ԼԵՈ 666» ՍՊԸ-ի սնանկության գործով ժամանակավոր կառավարչի թեկնածությունը դատարան ներկայացնելու նպատակով:

ՀՀ սնանկության դատարանի 06.06.2022թ. որոշմամբ սնանկության գործով ժամանակավոր կառավարիչ է նշանակվել Արմեն Խաչատրյանը:

«ԼԵՈ 666» ՍՊԸ-ին և վերջինիս տնօրենին ուղարկված փաստաթղթերը ետ են վերադարձել ՀՀ սնանկության դատարան:

Ուսումնասիրելով գործի նյութերը՝ դատարանը գտել է, որ «ԼԵՈ 666» ՍՊԸ-ի, նրա գույքի, ինչպես նաև հաշվապահական և այլ փաստաթղթերի նկատմամբ պետք է հայտարարել հետախուզում:

ՀՀ սնանկության դատարանի 18.08.2022թ. որոշմամբ «ԼԵՈ 666» ՍՊԸ-ի, նրա գույքի, ինչպես նաև հաշվապահական և այլ փաստաթղթերի նկատմամբ հայտարարվել է հետախուզում:

13.12.2022թ. ՀՀ սնանկության դատարան է մուտքագրվել սնանկության գործով կառավարիչ Արմեն Խաչատրյանի միջնորդությունը՝ սնանկության գործի վարույթը պարզեցված ընթացակարգով շարունակելու մասին:

Միջնորդությունը կից ներկայացվել է ՀՀ ՀԿԱԾ Կենտրոն, Նորք-Մարաշի վարչական շրջանների բաժնի որոշումը՝ կատարողական վարույթ ավարտելու մասին:



ՀԿԱԾ Կենտրոն, Նորք-Մարաշ և Էրեբունի-Նուբարաշեն վարչական շրջանների մի հարկադիր կատարող արդարադատության լեյտենանտ Աննա Գրիգորյանը 11.2022թ. կայացրել է որոշում՝ կատարողական վարույթն ավարտելու մասին:

Նշված որոշման համաձայն՝ հայտարարվել է հետախուզում «ԼԵՈ 666» ՍՊԸ-ի, նրա գույքի, ինչպես նաև հաշվապահական և այլ փաստաթղթերի նկատմամբ: Կատարողական գործողությունների ընթացքում հետախուզում է հայտարարվել «ԼԵՈ 666» ՍՊԸ-ի տնօրեն Արմեն Միքայելյանի գտնվելու վայրը և նրա նկատմամբ հայտարարվել է հետախուզում: Միաժամանակ պարտապանին պատկանող գույք, ինչպես նաև հաշվապահական և այլ փաստաթղթեր չեն հայտնաբերվել:

Ուսումնասիրելով գործի նյութերը, նկատի ունենալով, որ «ԼԵՈ 666» ՍՊԸ-ի թիվ ՍՆԴ/1459/04/22 սնանկության գործով հայտարարված հետախուզումը ՀՀ ՀԿԱԾ Կենտրոն, Նորք-Մարաշ և Էրեբունի-Նուբարաշեն վարչական շրջանների բաժնի հարկադիր կատարող արդարադատության լեյտենանտ Աննա Գրիգորյանի թիվ 09464590 որոշմամբ ավարտվել է, դատարանը գտել է, որ «Սնանկության մասին» ՀՀ օրենքի 103-րդ հոդվածի համաձայն սնանկության գործընթացը պետք է շարունակել պարզեցված ընթացակարգով:

ՀՀ սնանկության դատարանի 14.12.2022 թվականի որոշմամբ թիվ ՍՆԴ/1459/04/22 սնանկության գործը շարունակվել է պարզեցված ընթացակարգով:

Պարտապանին հասցեագրված դատավարական փաստաթղթերը կրկին ետ են վերադարձվել դատարան:

ՀՀ սնանկության դատարանի 23.01.2023 թվականի վճռով պարտապանը ճանաչվել է սնանկ:

Քննարկելով «ԼԵՈ 666» ՍՊԸ-ի սնանկության գործով կառավարիչ նշանակելու հարցը, Դատարանը գալիս է ներքոշարադրյալ եզրահանգումների.

«Սնանկության մասին» Հայաստանի Հանրապետության օրենքի 22-րդ հոդվածի 1-ին մասի համաձայն՝ «1. Սնանկության գործով կառավարիչ կարող է նշանակվել Հայաստանի Հանրապետության արդարադատության նախարարության կողմից որպես կառավարիչ հաշվառված և գործունեությունը չկասեցված անձը: »:

Նույն հոդվածի 2-րդ մասի համաձայն «Պարտապանին սնանկ ճանաչելու մասին վճռի կայացումից հետո՝ մեկշաբաթյա ժամկետում, գործին որպես դիմող մասնակցած պարտատերը (եթե պարտատերերը մի քանիսն են, ապա բոլոր պարտատերերը միասին), իսկ կամավոր սնանկության դեպքում պարտապանը ժամանակավոր կառավարչին տվյալ սնանկության գործով կառավարիչ նշանակելու դեմ կարող են ներկայացնել առարկություններ՝ սույն հոդվածի 9-րդ մասով սահմանված հիմքերի առնչությամբ: Առարկություններ ներկայացնելու հետ միաժամանակ համապատասխանաբար պարտատերը կամ պարտապանը կարող է ներկայացնել կառավարչի իր թեկնածուին՝ կցելով վերջինիս գրավոր համաձայնությունը՝ որպես կառավարչի թեկնածու հանդես գալու վերաբերյալ: »:

«Սնանկության մասին» Հայաստանի Հանրապետության օրենքի 22-րդ հոդվածի 3-րդ մասի համաձայն «3. Ժամանակավոր կառավարչին որպես կառավարիչ նշանակելու դեմ սահմանված կարգով չառարկելու դեպքում դատարանը մեկօրյա ժամկետում որոշում է կայացնում ժամանակավոր կառավարչին կառավարիչ նշանակելու մասին, եթե սա համապատասխանում է սույն հոդվածով սահմանված պահանջներին: »

Հաշվի առնելով այն հանգամանքը, որ տվյալ դեպքում պարտապանը, որպես ժամկետում, ժամանակավոր կառավարչին որպես կառավարիչ նշանակելու դեմ սահմանված կարգով առարկություն չի ներկայացրել, իսկ սույն սնանկության գործով



նականավոր կառավարիչ նշանակված Արմեն Խաչատրյանը համապատասխանում է սնանկության մասին» Հայաստանի Հանրապետության օրենքի 23-րդ հոդվածով կառավարչին ներկայացվող պահանջներին, դատարանը գտնում է, որ Միեր Պավլիկի դադարեցնելով սնանկության ժամանակավոր կառավարչի վերջինիս լիազորությունները:

«Սնանկության մասին» Հայաստանի Հանրապետության օրենքի 19-րդ հոդվածի 1-ին մասի դ) կետի համաձայն՝ «1. Պարտապանին սնանկ ճանաչելու մասին վճիռն օրինական ուժի մեջ մտնելուց հետո դատարանը՝) կառավարչին պարտավորեցնում է ոչ ուշ, քան համապատասխան դատական ակտերի ուժի մեջ մտնելու պահից՝ 5 օրվա ընթացքում, պարտապանին սնանկ ճանաչելու, կառավարիչ և պարտատերերի առաջին ժողով նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում. »:

Վերոգրյալի իրավանորմի ուժով դատարանը գտնում է, որ սույն սնանկության գործով կառավարիչ՝ Արմեն Խաչատրյանին պետք է պարտավորեցնել սույն որոշման ուժի մեջ մտնելու պահից հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

Ելնելով վերոգրյալից, հիմք ընդունելով «Սնանկության մասին» ՀՀ օրենքի 19-րդ, 20-23-րդ հոդվածները և ղեկավարվելով ՀՀ քաղաքացիական դատավարության օրենսգրքի 199-200-րդ հոդվածներով՝

Ո Ր Ո Շ Ե Ց Ի

1. «ԼԵՈ 666» ՍՊԸ-ի սնանկության գործով ժամանակավոր կառավարիչ Արմեն Խաչատրյանի լիազորությունները դադարեցնել և «ԼԵՈ 666» ՍՊԸ-ի սնանկության գործով կառավարիչ նշանակել Արմեն Խաչատրյանին:


2. Սնանկության կառավարչի վարձատրության չափը սահմանել համաձայն «Սնանկության մասին» Հայաստանի Հանրապետության օրենքի:

3. Սնանկության գործով կառավարիչ Արմեն Խաչատրյանին հանձնարարել ոչ ուշ, քան սույն որոշման ուժի մեջ մտնելու պահից՝ հինգ օրվա ընթացքում պարտապանին սնանկ ճանաչելու և կառավարիչ նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

4. «ԼԵՈ 666» ՍՊԸ-ին պարտավորեցնել 10 օրվա ընթացքում կառավարչին ներկայացնել «Սնանկության մասին» ՀՀ օրենքի 12-րդ հոդվածով սահմանված փաստաթղթերը:

Սույն դատական ակտն օրինական ուժի մեջ է մտնում դատական իշխանության պաշտոնական կայքում հրապարակվելու պահից և կարող է բողոքարկվել Հայաստանի Հանրապետության վերաքննիչ քաղաքացիական դատարան՝ հրապարակվելուց հետո տասնհինգօրյա ժամկետում:

ԴԱՏԱՎՈՐ



Լ. ԿԱՏՎԱԼՅԱՆ